



Modiul 4 – Lenas Wakabuk

Inklusiv Divevelopmen

PIJIN LANGUAGE - SOLOMON ISLANDS

Slen fo fanding hem kam from:

KOICA
Korea International
Cooperation Agency

An Patna Wetem:




Pacific Islands
Development Forum

CONTENTS

Leson plan.....	4	4. Pipol wea stap wetem disabilitas insaet long Pasifik.....	17
Sot fom blong olketa wod insaed long wakabuk ia	5	5. Yut.....	19
1. Aes Breka – introdusim seson ia.....	6	6. Olketa Olo.....	21
Aktiviti 1	7		
1.1 Wae nao inklusiv developmen?	8		
SEKSIN 2	9	SEKSIN 3	23
2. Wanem nao inklusiv developmen?	9	Seson 1: Woksop Objektiv an Introdaksin	23
3. Komitment blong Gavman go long inkluson.....	11	Seson 2: Brekem daon straksa blong komiuniti.....	24
3.1 Link bitwin inkluson an Grin Grot	12	Seson 3: Grup aktiviti long Jenda rols	25
3.2 Wae nao inkluson hemi impoten lo eneji?	12	Seson 4: Grup aktiviti long risosis akses.....	28
3.3 Link bitwin Grin ekonomi an Inklusiv Developmen ..	13	Seson 5: Grup Aktiviti long komiuniti Disisin meiking.....	30
3.4 Wanem nao Jenda?.....	13	Seson 6: Galeri wok an diskasin long inklusiv developmen an riniuabol eneji.....	31
3.5 Jenda rol long Eneji	14		
Keis Stadi 1: Patisipeisin blong olketa mere insaet long Haedro Projekt	15	Anex 1: Aktiviti 2 Rols	32
Keis Stadi 2: Beafut Kolej	16	Anex 2: Opononol Rol Plei	33

LIST OF FIGURES

FIGA 1: Sasteinabol development gols	8	FIGA 11: PM openem sola Elektrifikeisin Treining Senta lo Nadogo, Makuata	16
FIGA 2: Ikualiti an Daevesiti.....	10	FIGA 12: Pipol wetem disabiliti Solomon Aelans (NGO)	18
FIGA 3: FFA's Tuna Pasifik- FFA fo inkrisim nao lukluk long jenda inkualiti en sosol inklusion insaet lo pasifik fisaris	12	FIGA 13: Globol sitizen ripot talem dat 7% long olketa gele nao komplitim sekondari skul blong olketa long Solomon Aelans	20
FIGA 4: UNDP Solomon Aelans, inkluson blong everi sitizen long provins konsalteisons long tradisinol gavanance bil.....	12	FIGA 14: Wanfala olmere lo Nagoibe Vilej, Solomon Aelans	22
FIGA 5: UNCDF – Viki Veo – Solomon Aelans – Hemi benefit nao long SPBD sola eneji loan.....	13	FIGA 15: Wanfala komiuniti miting fo diskasim nao marin risos maneijmen, westen provins Solomon Aelans.....	27
FIGA 6: IUCN – Riflekson lo Jenda, fisaries en meneijim na envaeronmen insaet lo Solomon Aelans	13	FIGA 16: Wold Benk – Improvim nao living standads fo olketa rurol majoriti blong Solomon Aelan.....	29
FIGA 7: Figa som na ikualiti bitwin man an mere.....	14		
FIGA 8: Wimen lo Eneji.....	14		
FIGA 9 EN 10: Grid eksteinsin waka lo Talise Haedro Projekt, Maewo, Vanuatu	15		

LIST OF TABLES

TEBOL 2: Lesen Plan	4
---------------------------	---

Inklusiv developmen training modiul hemi disaen fo ikuipim nao treinas en patisipans wetem andastanding blong impotens blong inklusiv efots fo meksua akses go long rinuiabol eneji an go fo impruvim nao eneji ifisiensi.

Taem yu finisim disfala Kos bae yu save nao long olketa yia:

- Andastandim inklusiv developmen.
- Andastandim nao hao inklusiv na karent komiuniti strakja ia.
- Andastandim na weis fo inkrisim na inklusiviti lo insaed lo komiuniti.
- Andastandim na benefits blo inklusiviti en.
- Mapim na wei aot fowad fo inklusiviti long rinuiabol eneji projek.

LESON PLAN

TEBOL 2: Lesen Plan

Olketa Sasons	Olketa lening aotkams
Seson 1 – Woksop objektivs an Introdaksins	Introdaksin- Hu na insaet rum?
Seson 2 : Grup aktiviti on breking daon komiuniti strakja	Andastandim nao hao inklusiv nao karent strakja ia . Aedentifaem oketa nara grups insaet lo komiunitis en hao oketa rileit long ij ada.
<i>Moning Tea</i>	
Seson 3 : Grup aktiviti long jenda rols	Selektim nao hu na fo duim waka osem insaet long 24 hr/day . Andastandim nao weis fo inkrisim nao inklusin blong pipol insaet long komiuniti.
Seson 4 : Grup aktiviti on akses to risoses	Poentem aot hu nao garek akses an lo wat kain risoses insaet long komiuniti. Andastandim nao weis fo inkrisim nao inklusiviti insaed lo komiuniti
<i>Lans</i>	
Seson 5 : Grup aktiviti on komiuniti disison meking	Poentem aot nao hu nao mekem disisons insaet long komiuniti en hu nao no inklud insaet long komiuniti disison making proses. Andastandim na weis fo inkrisim nao inklusiviti insaet long komiuniti.
Openem nao diskason long inklusiviti	Andastandim nao hao inklusiv nao karent komiuniti strakja. Haelaetem nao benefit blong inklusiviti fo rinuiabol risoses.
<i>Aftanun Ti</i>	
Seson 6 : Mapim aot wanfala aksin plan fo inklusiviti insaet long projek.	

Disfala Lenas Waka buk (LW) hemi teken aot from Treinas Gaed (TG) wea kam wetem. Olketa infomesin insaet long disfala LW olketa bin mekem isi an sot. Olketa raetim daon noma olketa mein aedias noma an wea olketa fokus na long olketa piksas, daegrams an olketa aktivitis blong hem wea alaom na lenas fo engeij wetem olketa trenas taem blong training. If yu laekem

eni adisinol infomeisin long eni seksin insaed, yu save luk go nao long Trenas Gaed (TG) blong Lenas Wakabuk (LW) ia.

Foto long Buk kava: Oketa mere tekem nao wota from graon wel. Sos: Benjamin Keni, GGGI PNG.

Stetment fo diklearem no eni responsibiliti: Global Green Growth Institute hem no promesem, long toktok o mining, o hem no garek eni ligol laeabiliti o responsibiliti long hao stret, kompliti o hao eni nara mek tri pati hem iusim, o risalt blong olketa iusim, eni infomeison, tul, prodakt, o proses wea hemi stap insaed long infomison long disfala dokument o hem representim dat eni yus bae hem no brekem lo blong olketa praevet ona raet.

SOT FOM BLONG OLKETA WOD INSAED LONG WAKABUK IA

CEDAW	Konvensons fo aotim na everi rabis ting ting ovam oketa mere
CRC	Konvensons fo oketa raets blo oketa pikinini
DoW	Dipatmen blo oketa woman
ENERGIA	Intenasinol netwaka lo jenda en kipim or meinteim enej
GDP	Gros Domestik prodak
GE	Grin Ekonomi
GGF	Grin Grot Freimwaka
GGGI	Global Grin Grot Institut
HIES	Haushol inkam ekspendija survei
ICPD	Intanasinol konferens lo popiuleison Developmen
ITaukei	Indijinias Fijian Heriteij
LG	Lenas Gaed
LGBTQI	Lesbian, Gei, Baesexual, Transjenda, Quir, Intaseks
NDS	Nasionl Developmen strategi
PCREE	Pasifik senta fo riniuabol enej en enej ifisiensi
PLWD	Persons living wit a Disabiliti
PYC	Pasifik yuth kaonsol
PYDF	Pasifik Yuth Developmen Freimwok
RE	Riniuabol Enej
SDG	Sasteinabol development gols
SME	Smol midiam entapraeses
SPC	Pasifik komiuniti
TG	Treina Gaed
UNDP	lunaeted Neisons developmen program
UNPFA	lunaeted Neisens Populeison Fan

A large, white, stylized number '1' is positioned on the left side of the page. The background is a solid teal color. The number is composed of a thick vertical stroke and a diagonal stroke that starts from the top left and goes down to the right, meeting the vertical stroke.

Aes Breka –
introdusim seson ia

AKTIVITI 1

Talem lelebet abaotim yuseleva taem trena askem yiu. Bae olketa askem iu fo talem nao nem blong iu an talem lelebet samting iu save abaotim nao topic ia en wat nao iu expektim fo tekem from disfala training.

1.1 Wae nao inkusive developmen?

Sem sem wetem sasteinabol gol 7 wea hemi fo mas meksua akses go long olketa isi, bae save dipend long olketa an wea hem waka gud an eneji blong distaem fo everi wan, stadies som dat babae hem no posibol fo mitim nao takets bae 2030 taem yumi no givim nao spesifik tingting blong yumi go long difren

eneji nids blong olketa mere, yut, an olketa grups wea pipol no save peim tumas atenson long oketa etc.

Garem na 17 SDGs, olketa nao long hia:

FIGA 1: Sasteinabol development gols¹



¹ Wikimedia commons, "Sustainable Development Goals", https://commons.wikimedia.org/wiki/File:Sustainable_Development_Goals.png

SEKSIN 2

2

Wanem nao inklusiv
divelopmen? _____

Inklisiv Developmen hemi wan development aproj wea rekonaezim ajenda biyon grout an inkma hem nid tumas fo meksua dat olketa benefit blong grout hemi shared equitabli akros ol pats blong sosaeti, espeseli bikifala grups blong olketa valnarabol en pua popiuleisin.²

Taem umi no garew fokus wea hem daerekt go long involvmen blong olketa pipol wea pleim rol long diswan osem olketa mere, yut, en valnarabol grups, babae garew nao staka inikualiti long sosaeti.

FIGA 2: Ikualiti an Daevesiti³



Raetem not blong yiu long hia

² Shanina van Gent, "Beyond buzzwords: What is Inclusive Development?", Include Knowledge platform on Inclusive Development Policies, August 2017. <https://includeplatform.net/wp-content/uploads/2017/09/Beyond-buzzwords.pdf>

³ Source: NHS, "Meeting the workforce race equality challenge", April 2017, <https://www.england.nhs.uk/wp-content/uploads/2017/04/equality-diversity.jpg>

3

Komitment blong Gavman
go long inkluson —————

Disfala komitment fo livim no aniwani bihaen mins dat spesifik atenson nid fo givim na long olketa wea olweis stap bihaen insaet lo olketa pasifik komiunities blong yumi taem hem kam long developmen.

Gavman hemi meksua hemi komitim oketa seleva go tu lo spesifik human raets instramens wea adresim nao olketa isus blong inikualiti osem konvenson fo aotim na everi weis blong diskrimineisin agaenstim nao olketa mere (CEDAW) en tu Beijing platform fo akson. Konvenson raets blong olketa pikinini (CRC).

FIGA 3: FFA's Tuna Pasifik- FFA fo inkrisim nao lukluk long jenda inikualiti en sosol inklusion insaet lo pasifik fisaris⁴



3.1 Link bitwin inklusion an Grin Grot

Solomon Aelans Nasinol Developmen strateji 2016 -2035 mapim aot nao stratejik daereksin fo fiuja developmen en setim aot na long tem vison, mison an objektivs wea hemi som aot nao aspireisin blong everi Solomon Aelandas. NDS 2016-2035 waka raonim tufala erias: sosol en ekonomik laevlihuds en eim fo improvim nao sosol en ekonomik laevlihuds blong everi Solomon Aelandas.

Gavman distaem garem nao wanfala draft Riniuabol Eneji investment plan en gogohet lo statim na samfala aksins wea bae lid tu inkrisim na ius blo riniuabol eneji teknolojis, improve

eneji sikiuriti en katem daon na lo gas imisons. Oketa teknolojis ia oketa iusim fo sola fotovoltae faming en haedropaoa 59 jeneresin. Solomon Aelans gavman plan fo rolam aot na staka moa long olketa riniuabol eneji teknolojis lo ias tu kam ia.

Inklusiv developmen hemi nid fo meksua na developmen benefit hemi kasem nao everi seksins long popiuleisin an tekem intu konsidareisin nao aedias blong olketa mere an difren valnarabol grups.

FIGA 4: UNDP Solomon Aelans, inklusion blong everi sitizen long provins konsalteisons long tradisinol gavanance bil⁵



3.2 Wae nao inklusion hemi impoten lo eneji?

Inklusive developmen hemi meksua dat eneji projekts hemi taketim na nids an praeoritis blong difren grups insaet long komiuniti ia. Olketa projekts ia save tekem into akaont wan or moa long olketa objektiv ia:

- Fo impruvim kualiti long laef.
- Fo inkrisim nao wimen's prodaktiviti an inkam.
- Fo ensua projekt ifisiensi en sasteinabiliti.
- Fo promotim nao jenda ikualiti en fo empaoarim nao olketa mere, yut an valnarabol grups.

⁴ Source: Pacific Community, <https://www.spc.int/events/fisheries-observer-covid-19-protocols-and-mitigations-training>

⁵ Source: UNDP Solomon Islands Facebook page.

FIGA 5: UNCDF – Viki Veo – Solomon Aelans – Hemi benefit nao long SPBD sola eneji loan⁶



FIGA 6: IUCN – Rifleksion lo Jenda, fisaries en meneijim na envaeronmen insaet lo Solomon Aelans⁷



3.3 Link bitwin Grin ekonomi an Inklusiv Developmen

Projekt ia hemi trae fo meksua dat olketa isus ia olketa tingting raonim:

- Wanfala andastanding blong olketa Jenda rols wea eksist.
- Oketa akses blong olketa mere long olketa risosis hem diteminim nao involmen blong olketa insaet long eneji sistim saplae sen.
- Andastanding blong olketa wimen prodaktiv rols an hao nao moden eneji sevis kontribuit go long olketa wimen empaoamen.
- En wanfala andastanding long hao an yius blong olketa aplaensis wea save sevim taem en transfomim nao jenda rols en rileisons.

3.4 Wanem nao Jenda?

Jenda hemi wan aedia wea hemi rifea go nao long olketa risponsibilitis wea olketa man en mere sapos fo duim bae sosaetis oketa bon insaet lo hem. Fo eksampol, pikinini wea bon kam boe hemi sapos fo karem nao family nem lo laef blong hem. Pikinini wea hemi bon gele hem sapos fo maret en ekstendim nao laen blong dadi blong hem go long vilij blong hasban blong hem etc.

Jenda Rols – Rols sosaeti givim long man an mere. Jenda rol seipim nao u an mi, hem help fo talem tu hao sosaeti luk long wan wan man an mere, hao umi sapos fo ting an akt osem man en mere. Samfala risons wae bihaenim nao olketa jenda rols ia

olketa najurol nao, taem yumi bon kam hem long dea finis, fo eksampol kipim pikinini (kipim an fidim) hem mostli waka blong olketa mere insaet long staka long oketa sosaetis blong yumi bikos mere nao bonem pikinini. Bat man en woman save tek pat long hao pikinini grou ap en stap wetem en araonim olketa pipol, givim aot long olketa na weis osem hao fo akt an olketa valius blong sosaeti.⁸

Jenda Noms – hemi olketa standads an ekspekteisins wea olketa man en mere sud biheiv witin seten limit wea hemi difaenim nao wanfala sosaeti, kalja en komiuniti long seten taem (EIGE, n.d.). Wanfala eksampol blong jenda noma na hemi olketa mere sapos fo dres ap osem oketa woman an weis blong olketa an olketa man sapos fo dres ap en oketa weis blo oketa shud be osem oketa man.

Jenda Rileisins – osem jenda rols sosaeti na diteminim olketa an olketa influens nao from sem sosol, kaljurol, politikol en ekonomik ekspekteisins. Jenda rileisins olketa seip bae waed namba of ruls osem famili en ligol sistims. Jenda rileisons stap insaed lo haus blo ij wan (praevet sfia) en lo insaed komiuniti en waka pleis tu (pablik sfia). Analisis blong olketa kain sitiuesin osem wea beisd long jenda rileisins hemi difren from narawan wea hemi beisd long jenda rols bikos hemi givim moa focus long paoa rileisins en koneksins bitwin laef blong olketa mere an man.

Jenda Ikualiti minim dat difren biheivia, aspireisins en nids blong olketa mere an man olketa tekem into akaont, tinting raonim, valiued en feivad ikuali. Hemi no minim dat man an woman mas semsem bat oketa raets, risponsibilitis an opotunitis bae bae no dipen long weda oketa bon man o mere.

Jenda Ikuiti mins feanes long tritment blong olketa mere en man akoding long nids blong oketa. Diswan save inkludim ikwual


⁶ Erica Lee, Pacific Financial Inclusion Programme (PFIP) administered by UNCDF, 2018, <https://www.uncdf.org/article/6277/lighting-a-brighter-future-for-families-in-the-solomon-islands>

⁷ Source: IUCN, "Reflections on gender, fisheries and managing the environment: Solomon Islands case study, September 2019, <https://www.iucn.org/news/commission-environmental-economic-and-social-policy/201909/reflections-gender-fisheries-and-managing-environment-solomon-islands-case-study>

⁸ Concepts and Issues in Gender & Energy <http://www.africa-adapt.net/media/resources/80/Energia-gender-energy.pdf>

tritmen or tritmen wea hemi difren bat wea hemi konsidad ikwual long raets, benefits, obligeisins en opotunitis. Fo eksampol garem staka man lo lidasip posisions lo lokol gavman levon en garem na nid fo luksave long olketa woman lidas lo datfala levon en dea maet bi provision fo risevim nao 5 lidasip posisions fo olketa woman. Diswan olketa man luk osem hemi no fea tritmen long olketa but hemi nesesarifo bringim abaot ikual representeisin lo lokol gavman levon.

FIGA 7: Figa som na ikualiti bitwin man an mere⁹



Jenda noms – hemi hao olketa man en mere sapos fo biheiv in rileisin go long olketa jenda rols blong olketa insaet long wan sosaeti. Fo eksampol, olketa gele en mere olketa jeneroli ekspekt fo dres ap long olketa weis blong olketa woman en olketa sud bi polaet, akomodeiting en neisaring.

Jenda Awea – taem olketa pipol stat fo luksave nao long olketa difren jenda rols en praktis wea ristrikim o enhansim nao rols blong olketa man na mere.

Jenda Blaen – no save luksave nao long difrens blong olketa jenda ia. olketa pipol insaet long komiuniti save osem taem no garem nao spesifik jenda aktiviti.

Jenda Sensitiv – Rekonaezim an sensitiv long difren an inikuitis bitwin nids blong man en woman, waka blong ij wan, interests, responsibilitis an aedentitis.

Jenda Niutrol – intavenson wea hemi no spesifikli spelim aot nao jenda spesifik rols an hem niutrol. Eneji intavensin save taketim nao man en mere ikwuali so dat tufala evriwan- man en mere save involve insaed long disisin-meiking proses.

Jenda Imbalans – distribusins wea hemi no ikual wetem na akses blong olketa man en akses blong olketa mere lo saed long risosis, sevisis en benefits en patisipeisin blong olketa insaed long aktivitis rileit go long prodaksin en sosol riprodaksin.

Jenda Meinstriming – hemi wanfala aproj wea meksua dat jenda isu an konsens olketa inkludim nao long evri planing

en polisi meking risosis distribusins, training implimenteisin an monitaring aktivitis. Everi polisi mekas olketa awea nao long oketa nids blong olketa woman en man long saet long rols en responsibilitis blong olketa.

Jenda Inikualiti – feivam man ovam woman o vaes vesa. Diswan hemi ditermin bae jenda rols blong olketa osem women an men patisipeisin lo difren sosol, politikal en ekonomik sektas an long developmen in jenrol wea lid go long aotkams en benefits.

Jenda Gaps – Jenda gap hemi gap wea yumi save obsevim an save mesarim bitwin mere en man long samfala impoten sosio-ekonomik indikeita (eksampol onam propeti, akses long lan, enrolmen long skul, akses go long ifisient kuki stov. Olketa tings wea no stret den bae presentim na klia empirikal evidens blong eksisting jenda isu.

3.5 Jenda rol long Eneji

Wan impoten aspekt fo andastandim na jenda rols en impotens blong hem lo eneji hemi tu andastandim dat jenda rols garem na difren waka wea man an mere sapos fo duim en garem difren nids, inkludim na eneji fo mitim ia. Olketa nids ia olketa usuali separeit go long praktikol, prodaktiv nids en stratejik interests.

Praktikol nids - Adresim nao olketa praktikol nids bae no save afektim na jenda rileisins.

Prodaktiv nids - diswan bae save afektim nao jenda rileisins, bae inkludim nao olketa woman long saet long ekonomik jenereiting aktivitis wea bae hemi end ap nao long impruvmen long steitas blong olketa mere insaet long famili.

Stratejik interests - adresim nao stratejik interest wea hemi aim fo transformim nao jenda rileisin fo improvim womens sosaetol posison.

FIGA 8: Wimen lo Eneji¹⁰



9 Europa Global Union, "Equal opportunities", April 2021, <https://www.uni-europa.org/category/equal-opportunities/>

10 Pacific Power Association, PPA'S Gender Portal, August 2018, <https://www.ppa.org/fi/gender-portal/>

KEIS STADI 1: Patisipeisin blong olketa mere insaet long Haedro Projekt

Wanfala komiuniti long Maewo lo Provins blong Penama lo Vanuatu hemi insaed wanfala negosiasin wetem nao Eneji Dipatmen fo instolim nao Haedro plan insaed long komiuniti fo sapotim nao elektrifikeisin blong samfala vilejes. Taem olketa komiuniti lidas beliv olketa save sasteinim nao instoleisin en opereisin blong Haedro yunit, steikholdas oketa konsen abaotim nao hao fo kipim gud en fixim nao lo kost involv.

Komiuniti ia sapotim olketa seleva, olketa mekem nao sabsistens faming en benefit from rimitensis from family membas stap an waka long PotVila an olketa narafala sentas. Taem stat blo developmen ia, wanfala tim travol go nao long komiuniti fo kondaktim nao konsalteisins fo faendim aot nao abaotim na difren rols blong olketa man en mere insaet long komiuniti en if gareem na eni opotunitis fo biuldim na eksisting inisitivs fo sapotim nao haedro projekt.

Separeit konsalteisins nao olketa holem wetem olketa man an mere. Diswan hemi nid bikos olketa luksave nao dat olketa woman babae save hol bak taem stori aot taem konsalteison involvim nao olketa man, babae olketa instid laekem nao oketa man yet fo toktok on bihaf lo komiuniti. Tim ia barava laek herem nao olketa mere stret en oketa gareem nao priliminari mitings wetem nao representativ from olketa difren women's sios grups insaet long komiuniti, fo

sikim nao sapot blong olketa fo raonim ap nao staka woman fo pat blong konsaltesin ia. Taem konsalteisin ia olketa mere talem aot na olketa difren aktivites olketa tek pat insaed wea inkludim nao wikli women's maket an kopreit grup wea staka long olketa woman ia pat long hem. Olketa woman ia save tekem nao wanem olketa mekem fo salem go long maket wans a wik, then oketa produs ia bae oketa salem long haeia praes den wanem olketa woman ia kostim at, an difrens nao bae olketa lo kopreitiv kipim. Olketa slen oketa tekem ia bae oketa searim moa long end lo yia fo baem nao skul tings en tu fo sapotim nao familis during krismas taem.

Olketa tim ia luksave nao long diswan osem opotiuniti wea save sapotim nao sasteinabiliti an mentanans blong haedro projek an mekem nao olketa rekomendeisins go nao long projekt ia. Disfala keis stadi hemi riflektim nao rison wae oketa konsaltim nao olketa woman insaed long developmen blong eni komiuniti projekt hemi impotent tumas an hemi olso haelaetim nao mein rol blong olketa woman wea olketa pleim nao lo komiuniti developmen. Oketa rols ia en wimen's kontribusins bae save mis aot if projekt ia minim noma fo no konsaltim nao olketa women lo eni komiuniti. Diswan hemi olso konfemim nao faendings blong ENERGIA rises wea involvim nao women insaet long eneji-sistem saplae sen, hemi gud fo olketa woman en olketa familis blong olketa an hemi gud fo bisnis.

FIGA 9 EN 10: Grid eksteinsin waka lo Talise Haedro Projekt, Maewo, Vanuatu¹¹



11 Vanuatu Post, Work continues on Talise Hydro, Maewo, March 2018, https://dailypost.vu/news/work-continues-on-talise-hydro-maewo/article_b98f7035-855b-5b49-93e0-ca902a8a1d6a.html

KEIS STADI 2: Beafut Kolej

Taem umi laek fo rekognaezim nao mein rol blong olketa women osem eijens blong sens, olketa Fiji Women Beafut sola Injinias projekt lukim finis 10 fala grani from rimot vilej long Fiji wea oketa trein na long sola injinia an oketa ful set nao fo fabrikeitim, instolim, yiusim, ripea en meinteinim sola yunits.

Oketa “ wimen sola injinia: inisitiv hemi implimented bae dipatmen blong olketa woman en fanded bae gavman long India ITECH program, hemi fo biuldim nao lokol kapasiti en elektrifae pua, “off- da -grid “ komiunities wetem klin, lou-kost sola enej. Olketa grani from Fiji oketa trein long Beafut Kolej long India wea olketa rekognaezim nao oketa potensol blong olketa woman wea oketa no bin trited osem impotant, an olketa givim olketa nao strong rol insaed long komiunitis blong olketa. diswan olketa duim bae treinim oketa ol mere ia fo bikam sola injinias. Kolej ia bin treinim oketa olo mere wea blong Afrika an Asian kantries wetem komiunities transform tru disfala sola laeting program.

Dipatment blo olketa mere luksave nao long impact blong
sola laeting insaed long komiuniti wea alaom nao olketa familis
insaed lo rurol erias fo extendim go moa nao waka dei blong
olketa go fo naet na. From wanfala ripot fro DoW, staka vilejes

wea sola laets hemi instold olketa lukim nao inkris long aktiviti
levol blong olketa. Sola projekt ia hemi helpim nao olketa
students insaed long vilij fo stadi long naet en ediukeisin levlo
blong olketa hemi gogo ap tu. Olketa mere en gele olketa tu
benefit lo saed long klining, wasing an kuing long naet. Sola
eneji lo faef fala yias pas finis sevim nao staka seleni long
kerosin ekspensis fo olketa long vilej.

Sola granma project hemi yusim nao sola eneji fo not onli provaedim nao laet but also krietim nao waka fo olketa pipol wea no garew waka, inkrisim nao wat oketa pua tekem, seivim nao envaeronment bae katem daon nao kabon emisons an most impotent, provaedim solusions lo vilij laef wea hemi no nidim staka samting o pipol fo dipend lo hem.

DoW rekonaezim nao olketa spesifik waka blong olketa woman wea also givim nao skils en nolej wetem kontribusin blong olketa wea hemi impotant tumas long developmen insaed long rurol vilej. Olketa Sola granis ia bae kontiniu fo gohet tekem in moa na staka nolej an ekspetis fo treinim nao samfala moa granmas long Fiji en long pasifik rijon. Riniuabol enej hemi na wei fowad fo fiuja en Sola Hom Sistims hemi nao lo frantlaen blong joinim nao enej speis blong neison.¹²

FIGA 11: PM openem sola Elektrifikeisin Treining
Senta lo Nadogo, Makuata¹³



Raetem not blong yiu long hia:

This image shows a single sheet of white paper with horizontal blue ruling lines. The lines are evenly spaced and run across the width of the page. There are approximately 20 lines visible. The paper has a slight shadow on the right side, suggesting it's resting on a surface.

12 UN WOMEN Asia and the Pacific, "Transforming lives and Empowering women through Lighting up communities with Solar Energy", (Fiji Barefoot College Case Study) 2012, <https://asiapacific.unwomen.org/en/news-and-events/stories/2012/11/transforming-lives-and-empowering-women-through-lighting-up-communities-with-solar-energy>

13 Josai Ralago, "PM Opens Solar Electrification Training Centre", adapted from The Fiji Sun, <https://fijisun.com.fj/2017/03/05/pm-opens-solar-electrification-training-centre/>

4

Pipol wea stap
wetem disabilities insaet
long Pasifik

Pasifik lidas olketa komited nao fo protektim, promotim an fulfilim nao raets blong olketa pipol wea diseibol, tru olketa sapot blong **Disabilitis**. Freimwaka ia garem faev fala big gols:

1. **Laevlihud** – promotim nao opotiunitis tru inklusiv ekonomik developmen an gudfala waka .
2. **Meinstriming** – meksua olketa raets blong pipol wetem disabilitis oketa inkludim insaet nao long development stratejis, nasinol en lokol polisis en komiuniti sevises.
3. **Lidaship en Eneibling Envaeromen** – Develop lidasip en an enbling envaeromen fo raets-beised disability inklusiv developmen.
4. **Disasta Risk Maneijmen** - Inkludim nao pipol wetem disabiliti insaet long klaemet sens adapson mesas an disasta risk maneijmen plans an polisis.
5. **Evidens** – strongim nao disabiliti rises statistiks an analisis.¹⁴

FIGA 12: Pipol wetem disabiliti Solomon Aelans (NGO)¹⁵



Disfala freimwaka ia rekognaezim nao nid fo inkludim nao pipol wea garem disabilitis insaed long nasinol developmen proses thru ful patnasip wetem oganaesesin blong olketa pipol wetem disabilitis en nara konsen eijensis.

14 Framework for Rights of Persons with Disabilities, Pacific Islands Forum Secretariat; <https://www.forumsec.org/framework-for-rights-of-persons-with-disability/>

15 Source: Adapted from Pacific Community updates, <https://www.spc.int/updates/news/2018/05/disabled-persons-organisations-explore-strategies-to-promote-disability>

5

Yut

Ki yut popiuleisin separeited from meinstrim developmen,
efots inkludim na:

- Yang pipol wea noma insaed long ediukeisin, waka o trening.
- Yang mere.
- Rurol yut.
- Yang pipol wetem disabilitis.
- Yut wea oketa bin go againstim nao olketa bikos lo seksual wei o jenda aedentiti an expresin blong olketa.¹⁶

FIGA 13: Globol sitizen ripot talem dat 7% long olketa gele nao komplitim sekondari skul blong olketa long Solomon Aelans¹⁷



Raetem not blong yiu long hia:

¹⁶ Pacific Youth Development Framework 2014 – 2023, Secretariat of the Pacific Community https://www.spc.int/sites/default/files/resources/2018-05/Pacific_Youth_Development_Framework.pdf

¹⁷ Global Citizen, "Just 7% of Girls Complete Secondary School in the Solomon Islands: Report", <https://www.globalcitizen.org/en/content/girls-complete-secondary-school-solomon-islands/>

6

Olketa Olo



Narafala grup wea olketa bin set asaed nao olketa olo. Diswan maet no tru lo staka pasifik komiunitis wea oketa lukim olketa olos blong oketa osem impotant pipol long komiuniti an olketa

komited fo tekem gud kea fo olketa olo bat hemi impotent dat treina hemi awea nao lo disfala grup ia en oketa mas som intrest long hao olketa long komiuniti tritim nao oketa ol pipol blo olketa.

FIGA 14: Wanfala olmere lo Nagoibe Vilej, Solomon Aelans¹⁸



Raetem not blong yiu long hia:

18 Adapted from Pacifica Environews, <https://pasifika.news/2021/04/mangrove-planting-could-help-protect-solomon-islands-community-against-rising-sea-level/>

SEKSIN 3

Seson 1: Woksop Objektivs an Introdaksin

Namba	Sesin 1	Ansas
1	Nem blong patna blong mi hemi	
2	Rol insaed long komiuniti	
3	Infomeisin abaotim famili	
4	Ekspekteisins blo woksops	
5	List blong eneji soses yiused at home	

Lo en blong aktiviti ia:

- Grup ia baebae stat for toktok lo ij ada en fil kamfotabol.
- Oketa wea patisipeit stat fo lanem spesifik samting abaotim ij ada en oketa familis blo oketa.
- Oketa wea patisipet praktisim na listening skills en akureit ripoting.
- Treina stat fo familia na wetem oketa taeps of eneji soses wea oketa save iusim insaed lo komiuniti.

Seson 2: Brekem daon straksa blong komiuniti

Lo end blo seson ia, lenas sud andastandim nao hao inklusiv o non-inklusiv na komiuniti strakja blong olketa ia.

Namba	Seson 2	Ansa
1	Wanem rol na iu pleim?	
2	Wat na iu obsevim insaed lo rol blo iu	
3	Wat na ting ting blo iu insaed lo rol iu pleim ia	
4	Wanem nao ting ting blong iu long GGGI staf kam insaed long komiuniti blong yiu.	
5	Wat na tingting blo iu abaotim na ina sekol insaed lo aktiviti ia	
6	IU ting se proses ia hemi inkludim evriwan insaed lo komiuniti?	
7	Lo tingting blo iu, hao everiwan oketa represented tu?	
8	Wanem nao ting ting blong iu long saet lo mekem nao komiuniti ia eibol fo mekem disisin long wat kain aktiviti nao fo mekem slen kam insaed long komiuniti ia en wae? iu tingim hemi strong process o wik proses?	
9	Hem ia hao, hem rili wan komiuniti disisin meking proses, hao meni komiuniti membas nao no present?	
10	Wat na tingting blo iu lo waka blo sif?	

Taem lesan ia finis, lenas sud:

- Save poentem aot weda o not komiuniti membas tek pat ikuali insaed long diskasin.
- Save poentem aot nao olketa komiuniti membas o grups wea olketa no stap insaed long diskasin.
- Save hao fo kliali talem aot nao rison hemi impotent fo wanfala proses long insaed komiuniti fo disisin meiking hem mas inklusiv.

Seson 3: Grup aktiviti long Jenda rols¹⁹

Yius blong taem savei

Insaed lo grup of 4, patisipants yiu diskasim nao olketa aktivitis wea man an woman save duim insaed long 12 hour de. Riflekt go nao long olketa aktivitis wea man an womankarem aot lo haos blong olketa. Insaed lo tebol long daon ia, filim in olketa

slots ia folom wanem hem bin diskasd. Disfala tul ia bae helpim yu fo aedentifaem nao hu nao fo duim wat insaed lo family blong yiu, long haos an long komiuniti lo 24 haoa de.

Taem	Aktiviti (wat kain aktiviti nao olketa man o mere tek pat insaed) M/F – sekol M for man en F fo Mere
5 am – 6 am	
6 am – 7 am	
7 am - 8 am	
8 am – 9 am	
9 am– 10 am	
10 am – 11 am	
11 am – 12 noon	
12 noon to 1 pm	
1 pm to 2 pm	
2 pm to 3 pm	
3 pm to 4 pm	
4 pm to 5 pm	
5 pm to 6 pm	
6 pm to 7 pm	
7 pm to 8 pm	
8 pm to 9 pm	
9 pm to 10 pm	
10 pm to 11 pm	
11 pm to midnight	
12 am midnight to 1 am	
1 am – 2 am	
2 am – 3 am	
3 am – 4 am	
4 am – 5 am	

¹⁹ Modified from SPC, Gender & Aquaculture Analysis Framework, 2018, <https://spccfpstore1.blob.core.windows.net/digitallibrary-docs/files/6f/6fb6f143327036dc27c9a41a3d4fd361.pdf?sv=2015-12-11&sr>

Jenda Rols Aktiviti (kontiniu)

Afta 20 mins, wan wan grup save diskasim en ansam olketa kuestin ia. Fasiliteita bae gaedim nao grup diskason en bae hemi askem wanfala patisipant from ij grup fo searim nao rispons go long olketa kuestin ia.

Namba	Sesin 3	Ansas
1	Wat nao samfala samting yiu save aedentifaem fo aktiviti ia?	
2	Wat kain aktiviti nao olketa man save duim long wan dei lo haus o insaed lo vilij?	
3	Wat nao olketa mere duim?	
4	Wat na samfala tingting blo iu abaotim nao wat olketa man en mere duim?	
5	Hao na komiunitis save bikam moa inklusiv or searem rols ikuali?	

Fo narafala pat long aktiviti ia wan wan lo olketa patisipant ia babae luk go baek nao long “Taem Yius” fom ia en ask abaotim nao olketa 4 fala samting ia an komplitim nao fom ia lo raet wei :

- Listim daon everi aktiviti wea insaed long taem yius savei ia.
- Poentem aot nao profael blong olketa pipol wea duim nao olketa aktiviti ia: jenda an eij.
- Somaot nao risoses yiused – teknoloji, tuls, animols etc.
- Somaot nao skills en nolej wea hemi impotent fo ajivim nao disfala aktiviti ia.

Aktivitis, risosis, profaels, en skils tebol

[illegible]

Namba	Kuestin	Ansa
1	Waen nao Aktiviti ia talem iu abaotim nao difren rols insaed long komiuniti?	
2	Man save duim wanem woman duim tu?	
3	Wanem nao samfa samting wea save stopem olketa man fo helpim olketa woman	
4	Hao na bae komiunitis save involvim an searim nao waka moa ikwali bitwin man an woman?	

Taem sesin ia finis bae lenas sud:

- Save poentem aot nao difren rols wea olketa woman en man duim.
- Save poentem aot nao semsem waka wea man en woman save duim.
- Save poentem aot samfala bilivs o ekspekteisins wea save stopem nao man fo helpim woman.
- Save na lo taeps of risosis wea man en woman bae bae nidim fo duim na difren aktivitis.
- Save gud nao long komiuniti strakja blong olketa an hao inklusiv o non-inklusiv nao komiuniti strakja en wat nao samfala samtings dat bae save duim fo bikam moa inklusiv.

FIGA 15: Wanfala komiuniti miting fo diskasim nao marin risos maneijmen, westen provins Solomon Aelans²⁰



20 World Fish-Considering Gender: Practical guidance for rural development initiatives in Solomon Islands, http://pubs.iclarm.net/resource_centre/2017-22.pdf

Seson 4: Grup aktiviti long risosis akses

Akses lo olketa risosis hemi wan impotent Wei fo improvim laef. Lo disfala seson umi bae luk luk nao long enoji risosis bat fo inklusiv developmen, hemi impotent nao fo lukluk lo everi risosis osem ekonomik risosis, laevstok, haus, maket, transpoteisin e.g. bot, aotbod moto, moto vehikol, tuls, human risosis; risosis save infomeisin, skils, nolej, disison making paoa, land o wan institiutin osem koopereitiv.

Taem umi awea nao long hao olketa man en mere save aksesim an kontrolim risosis blong olketa ovam hem bae help fo aedentifaem hu nao nidim moa sapot an bae no save aksesim nao risosis.

Long disfala aktiviti ia, ij patisipant bae bae listim daon nao risosis wea hemi stap lo ij haus, iusim nao on haos blong olketa osem gaed. Poentem aot nao long tebol lo daon ia hu

nao garem akses an kontrol long olketa risosis ia. If man en woman everiwan garem akses en kontrol, raetem daon nao long tebol ia.

Hao nao fo iusim nao tul ia?

Step 1 : Go thru nao everi lis blong olketa risosis wea olketa haoses an komiuniti garem. Adimgosamfala moa if hem impotent.

Step 2 : Wokim aot nao tu wat ekstent na man an woman yiusim nao ij risosis ia. If olketa man nao yiusim risosis ia den tikim olketa man, if olketa woman nao yiusim then tikim olketa woman, sem fo kontrol kolom. If garem lelebet difrensis saed long tradisinol rols etc pointem aot nao diferenses an raet lo saed o lo separeit pepa.

Risosis	Akses		Kontrol	
	Women	Men	Women	Men
Haus				
Lan				
Fam				
Fising gia				
Sola sistim				
Prodius				
Aotbod enjin				
Tos				
Kuki stov				

Kuestin fo Diskason

Step 3: Duim wanfala diskasin wea hemi beis long olketa kuestin long daon ia: Disaed go long wat ekstent nao man en woman kontrol (disaed on the yius of risosis an imposing disisin ia lo adas).

1	Wanem nao yiu eibol fo aedentifaem from aktiviti ia?	
2	Wanem nao oketa woman garem akses en kontrol ovam?	
3	Wanem nao oketa man garem akses en kontrol ovam?	
4	Hemi sem sem? Hemi inkludim tufala everiwan?	
5	Hao nao olketa komiunitis save bikam moa inklusiv insaed long akses en kontrol long olketa risosis ia?	

Lo en blong seson ia lenas sud andastandim:

- Dat man an mere an yut wea garem na levols of akses long olketa risosis insaed long haoshold en komiuniti.
- Hao lelebet akses long risoses oketa garem bae stopem nao divelopmen blong olketa.
- Dat ikual akses save benefitim nao man an mere.
- Save gud nao long komiuniti strakja blong olketa an hao inklusiv o non-inklusiv nao komiuniti strakja an wat nao samfala samtings dat bae bae save duim fo bikam moa inklusiv.

FIGA 16: Wold Benk – Improvim nao living standads fo olketa rurol majoriti blong Solomon Aelan²¹



21 Eric Johnson, "Improving Living Standards for the Rural Majority of Solomon Islands, August 2015, <https://www.worldbank.org/en/results/2012/04/18/solomon-islands-rural-development-program>

Seson 5: Grup Aktiviti long komiuniti Disisin meiking²²

Rison fo disfala aktiviti hemi fo aedentifaem wat nao disison meiking mekanism (s) insaet long komiunitis an insaet long haushol hemi laek, en levol blong patisipeisin blong olketa man en woman en vulnerabol grups long insaed olketa mekanisims ia.

1	Listim daon nao olketa disisin meiking bodies insaet long komiunitis.	
2	Wat kain isus nao olketa diskasim insaed long disisin meiking bodi.	
3	Hu nao involv insaed ij body (jenda, etnik profael, eij etc).	
4	Hao nao samfala disisins olketa mekem?	
5	Hu nao no involv insaed long disisin meiking bodi?	
6	Wae nao olketa no involv insaed long disisin meiking bodi.	
7	Wat nao olketa disisin meiking proses insaed long haushol ?	
8	Wat na isus diskasd?	
9	Hu nao tekem faenol disisin if garem disagrimen?	
10	Hu nao no tek pat long disison meiking?	
11	Wae nao olketa no involv insaed long disisin meiking?	

Lo end blong disfala seson lenas sud:

- Andastand hao samfala grups insaed Ingo komiuniti olketa no inklud nao insaed long disisin meiking proses.
- Diskas rison wae olketa no involve insaet long disisin meiking proses.
- Searim nao opinion blong olketa abaotim nao disisn- meiking proses ia.
- Save gud nao long komiuniti strakja blo oketa en hao inklusiv o non-inklusiv nao komiuniti strakja ia en wat nao samfala samtings dat bae bae save duim fo bikam moa inklusiv.

Seson 6: Galeri wok an diskasin long inklusiv divelopmen an riniuabol eneji

Rison fo disfala galeri wok en diskasin ia hemi fo samaraezim faendings wea olketa faendem diuring de taem. Diskasins long akses go long risosis, disisin meiking, an jenda rols an stat fo tekem in nao olketa faendings ia tugeda fo helpim fo divelopim nao plan lo hao komiuniti save bikam moa inklusiv.

1	Waen kain semsem elemens nao kam ap long saet long inklusiv divelopmen.	
2	Garem oketa elemens o aspek wea olketa moa impotant than olketa narawans o olketa wea no gareme staka atenson long eksasaez ia?	
3	Tingting abaotim nao olketa samting wea bae stopem nao inklusiv divelopmen, hao strong en waedsprede nao olketa ia?	
4	Garem eni steps wea wan save tekem fo sensim olketa? Hemi gud fo tek nout dat wanfala obstakol wea kam ap olowe nao hem inkonviniens, tane-raon kwik taem, no save lukim oketa woman, woman olweis bisi, yut aot long plantasin, ino ples blong olketa, kalsa, tradison.	
5	Tingting abaotim nao olketa samting wea promotim o mekem posibol nao inklusiv divelopmen, olketa eijensis en praktisinas duim inaf long olketa ia fo promotim nao inklusiv divelopmen.	
6	Wat na bae enkarijim olketa fo duim moa?	

Lo en blong disfala seson lenas sud:

- Save pointim aot nao olketa samting wea stopem nao inklusiv divelopmen insaed long komiuniti.
- Save pointim aot na weis fo enkarijim moa inklusiv divelopmen.
- Save andastandim moa nao inklusiv divelopmen osem wan konsept.
- Listim daon nao samfala praktikol steps fo inklusiv divelopmen.

ANEX 1: Aktiviti 2 Rols

GGGI staf Rol

Osem wanfala GGGI wakaman, iu eim nao fo helpim komiuniti tekem nao disisin abaotem nao wanem kain inkam jenereiting inisitiv nao komiuniti ba bae adresim thru own aksons blong olketa. Diuring miting ia, iu laek fo rispektim nao sif, hu hemi oganaezim nao disfala miting lo rikwest blong yiu. Yiu fil osem if sif hemi stap insaed long bod wetem disfala proses ia babae save helpim winim na komiuniti sapot, fo save luk stret nao long aes blong olketa lon komiuniti, en fo sasteinabol. Taem iu laek mekem sif hapi yu letem hem fo toktok moa den hem shud rili toktok.

Folom kastom, Jif babae openem na miting en den givim kam lo iu. Fo statim of na miting, iu shud se tagio lo jif fo kolem na miting en tenkim na komiuniti membas fo go lo miting. No presa fo komiuniti mekem na disison ia tudei, kos iu luk save lo nid fo garew moa staka diskasons bifo komiuniti agri lo wat kain isus na fo adresim.

Eli on lo diskason, iu shud rimaendim nao olketa patisipans dat diuring lening taem, (etnografi) olketa shud kam ap wetem nao trifala inkam jenereiting aktivitis. Diswans inkludim nao, kolektim slen fom oketa fis olketa salem long kosap maket, seleni from women's kooperetiv asosiasin, a levi tu bi peid bae ij haushol. Rimaendim patisipants tu dat no garew raet o rong ansas en dat ij peson's opinion metas.

Wetem oketa points ia lo maen, yiu askem na komiuniti wat kain inkam jenereison aktiviti na sud bi karid aot, iu askem na di difren patisipans, inkludim na pikinini, wat na oketa tingim.

Sifs Rol

Osem wanfala rispekted lida blong olketa pipol blo yiu, yiu na man in-saj an yu lukim yiu seleva osem man toktok on behalf long komiuniti. Iu save laekem nao taem olketa komiuniti memba's toktok bat iu laekem iven moa taem olketa som nao respect long yiu an iven sikim nao jajmen blo iu.

Yiu openen nao rol plei ia bae welkamim nao fasiliateita long vilij moa, bifo yiu handim ova go lo man o mere ia, yiu talem aot nao

dat fo helpim komiuniti ia disaed wat kain inkam jenereiting aedia nao fo waka long hem, iu bringim tugeda nao kosap everi mein man long vilij na- olketa lidas wea garew gud opinions en pipol hu babae save mekem nao gudfala disisins. Yu invaetim nao olketa ki pleias ia fo introdusim olketa wan bae wan. Den yu go lo GGGI staff ia en iu se, nao hem miting blo iu, plis statim miting ia.

Rol blong yiu hemi fo lid an kontrolim nao diskasin. Afta GGGI staf invaetim nao views blong komiuniti, yiu step go frant, en stat fo presentim na view blong yiu dat olketa fands from women's kooperetiv na ufala sud yusim. Iu haelaetim dat olketa woman olketa bin eibol fo baem nao dis fo komiuniti hol an dat olketa eibol fo duim tu ada tings wetem funds ia so inisitiv ia hemi set na. Iu letem olketa narafala pipol toktok fo sam taem but iu seleva tu eksaeted tumas so iu kip intarapting nao diskasin fo putim akros na tingting blo iu taem iu save noma dat at iu nating diskas noma wetem olketa mere lo komiuniti.

Komiuniti membas rols

Lo stat blong rol plei ia, sif askem nao ij wan long yiu fala fo tok lelebet aboutem hem seleva go long fasiliateita, talem nem, en hu nao iu insaed lo komiuniti en wat na waka blo iu (osem, mi Jon, nefiu blo Jif en mi fama) Iu barava ripektim tumas sif blo iu an olweis letem hem toktok fastaem an dat hemi save kat in lo toktok taem hem laek tok. Yu laek tumas fo ekspresim na tingting blo iu bata iu also laek fo agree wetem sif tu.

Staka lo iufala olketa mamis en dadis en adalts. Jius bitwin yiu fala seleva, wat kain rol na yiu laek pleim – tufala long iufala relativs blong sif, tufala lo yiu fala tin eijas, en yiu stap kwaet noma diuring miting, defea go lo sif noma if oketa askem aniting daerektli lo yiu.

Trifala lo iufala ting dat oketa seleni ia sud kam from fising wea oketa man save duim, four fala long iufala ting dat everi haushol sud garew na levi iven baebae samfala pua family baebae no save eibol fo pei. Trifala ting dat seleni from women's kooperetiv ia na sud yiusim bat sud askem olketa women fastaem.

ANEX 2: Opsonol Rol Plei

Rison fo disfala eksesaes ia hemi fo mekem evri memba long komiuniti fo aprisiatim nao liding rol wea olketa women olketa pleim lo disisin meiking an insaed long maneijmen, an yiusim nao sola teknoloji. Ridim go lo olketa disfala keis stadi ia an helpem olketa ansam nao oketa kuestins ia. Yiu maet nid fo duim animeisin long olketa toktok ia fo mekem hem intereting.

Hao women tekem kam sens

Sala an hasban blong hem Mario stap nao long Afio, lo Malaita wetem trifala pikinini blong tufala. Olketa no garem nao elektrisiti insaed long vilij blong olketa. Mario hem wanfala fisaman an hemi hev to go aot long si bifo sunraes fo kajim nao gudfala fis en tekem go long fisari steison wea long dea noma garem aes rum lo Aelan. Samtaems Mario tekem nao oketa smol fis baek haus fo kukim. Tufala garem 3 fala pikinini, Lili hem 9 yias ol, Timoci hemi 10 an Salote hemi 13 yias ol, olketa trifala evriwan atendum nao wanfala skul wea hemi stap 4km from haus blong olketa. Hemi abaot wan hour waka baot from haus blong olketa go lo skul. Oleta garem tu big gaden long haus. Staka swit kumara, yam, kabis an tomato fo wat oketa nidim deili. Ol mami an dadi blong Mario stap wetem olketa tu. Mario save waka hard en hem garem staka nara samting fo duim tu osem fixim bot, tekem aes, tekem oketa pasenjas go lo aelan lo ivinings. Sala hem bisi tu, hemi luk afta nao dadi an mami blong Mario, kipim haus, luk aftam olketa pikinini an kip ap wetem olketa waka blong komiuniti tu.

Wanfala ivining, 13 yia ol dota blong tufala stadi yiusim nao kerosin lam. Smel blong kerosin ia fulapim nao haos kos olketa garem nao 3 fala lams on lo naet ia. Mario no araev yet long haus, hemi lo ples blong neiba blo olketa wea hemi go sitdaon lelebet fo tekem grog. 9 yia ol blo olketa, Lili, komplein tumas nao abaotem nao smel blong kerosin ia, hem se smel ia mekem hem sik. Kids den rawa nao bikos Timoci en Salote lark iusim na lamp ia, Lili tekem na lamp ia en ran araon pleifuli osem hem laek plei. So taem olketa runem ij ada insaed long haus, lamp ia faldaon from hands blong hem en antap long map, an hem on faea. Salote saot fo help an olketa neibas kam quick taem an kilim dae daon faea bat kosap everi buka blong salote bone lo faea nao. Lili distaem barava fraet tumas fo yiusim nao kerosin lamp. Leita lo ivining, Sala talem nao long Mario abaotem nao wanfala aedia.

Mario: relax no eni wan bo ne nao long faea ia, bae mi baem noma niu buks blong hem lo end lo dis wik. Wae na iu wari tumas ia?

Sala: Mi ting hem taem iumi stop yusim nao kerosin lamp insaed haus blong yumi.

Mario: yu mas karange ia – wat nao bae iumi iusim if osem?

Sala: Mi notisim nao Lusi an famili blong hem not long ago baem nao sola sistim an dstaem olketa garem laets long naets osem oketa hotels na. Oleta graem nao frij fo kipim nao fis blong olketa an kaikai longtaem. Olso, big wan blong olketa Tima stat fo pefom gud long skul blo hem na sins hem save stadi gud long braet laet.

Mario: wow iu ia tekem ap taem blo iu pei atenson go long Lusi leitli. yufala olketa woman ia olweis (Sala kat in).

Sala: Wat na iu minim “yiu women.

Mario: umm.

Sala: Mifala olketa women mas draevim nao sens, mifala nao filim hao laef hem laek taem noma ani elektrisiti. Mi hav tu wek ap taem hemi dak iet an laetim nao kerosin lam an kukim kaikai. Mi hav tu tek kea fo kipim nao ekstra kaikai an fis so dat olketa no nogud an mekem iumi sik. Mi hev tu mek sua homwaka blong olketa pikinini oketa duim lo laet wea hemi no braet. Mi hav to seiv seleni fo spendem nao long kerosin.

Mario: Ok mi agri iumi mas tekem nao sola sistim. Mi laek fo garem nao sola poad friza fo kipim nao fis. Bat Jone talem mi dat Sola hem baem, hem stop waka nao fo wan week. Wat if hemi nogud o no save waka? en tu sola sistim bae hem kostim iumi seleni tu ia.

Sala: Oh mae, yiumi traem at list. Iumi save seivim na lelebet seleni iu mekem from selem nao fis ij wik an if yumi seiv everi wik nao til krimas yumi sud garem inaf fo wanfala sistim an nokem wari abotim na hao fo fixim. Mi herem olketa women from nara vilej lo nara saet lo aelan ia oketa trein fo fixim an kipim na olketa sistems ia. Wanfala long olketa go nao long India fo treining. Mi herem tu dat olketa ofam tu sola treining distaem. Bae mi go atendum na wanfala long oketa sesons ia so dat mi save lane moa abaotim. So dat mi tu save help fiksime nao oketa nara sola wea nogud lo vilij so dat yumi save mekem extra slen tu.

Mario: Barava gud aedia nao ia Sala. Mi hapi tumas iumi save agri long diswan en mi hapi tumas fo tek kea long olketa pikinini an parents blong mi taem yiu nid fo go atendum na treining lo Sola sistim ia.

En lo rol plei

Afta stori ia hemi en, putim olketa patisipants insaed lo grups en helpim olketa ting abaotim nao everiting olketa lanem en askem olketa fo help ansam nao tufala kuestin long daon ia moa.

Wat kain samting nao Sala an Mario sud lukluk fo , taem oketa laek baeim na hom PV sistim?

Hao nao sud Sala an olketa women luk aftam nao sola PV sistim so hem save stap long taem ?



Follow our activities on
Facebook and Twitter



www.gggi.org